



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Historia Missionis Anglicanæ Societatis Iesv**

**More, Henry**

**Avdomari, 1660**

Christi Domini imitatio. n. 31.

**urn:nbn:de:hbz:466:1-38320**

1635.

illis detur ad superflua coëmenda & quæ Religiosæ paupertati minimè congruunt.) Inuigilet igitur quisque sibi, & rationes ad hanc normam reducat nè à necessarijs ad superflua, à superfluis ad vana dilabatur.

De Obedientia.

Io. 15. 16

Viuetis deinde ex lege Obedientiæ si præter ea quæ initio dixi de Indifferentia, quem nuncium primum accipietis à Superiore de sede hac vel illa ad Dei gloriam tuenda, cum tanquam cælitus missum veneremini; neq; deinde loci aut personarum ingenio, vel fructus Ipe aut desperatione victi, aliò cogitationes vestras abripi patiamini, quam ad illa verba Christi Iesu *Non vos me elegistis, sed ego elegi vos, & posui vos ut eatis, & fructum afferatis, & fructus vestri maneat, ut quodcumque petieritis Patrem in nomine meo det vobis.* Cum enim penitus animis vestris insederit, id quod res est, fructum omnem actionum vestrarum pendere ab eo qui vos elegit & posuit, non erit difficile tum vos ipsos Dei voluntati in omnibus conformare (qui in perfectione nostrâ & aliorum sæpe vitur medijs quæ nobis fortasse videntur non vsque adeo illò pertinere, sunt tamè accommoda ad fines ipsi notos) tum paruulos si qui motus emergant tenere, & allidere ad hanc petram Apostolici exempli: tum eandem animi aequitatem & conformationem in ijs conseruare quibuscum vos continget degere, quod in hac Missione est sanè præcipuum. Ut quemadmodum nubes vi ventorum in hanc vel illam regionem distribuuntur à Deo prout ipsi visum fuerit, Ita & vos sine magna vestri ipsius aut aliorum difficultate possitis vel diutius loco retineri, vel citius aliò transferri prout communis boni intuitu, vel particularis alicuius consolationis gratia necessarium iudicauerint Superiores, quibus vniuersalis hæc prouidentia à Deo commissa est.

Christi Domini imitatio.

XXXI. Iam vero nomen Societatis quod à Christo *Iesu* acceptum, nos eidem Christo socios in hac Messe animarum adscriptos esse docet, quantum in animo virtutum omnium copiam, in moribus probitatem, in ipso denique corpore quam decentem compositionem indicit vniuersis si pares esse volumus muneri quod sustinemus? Quibus etsi instructos vos esse non dubito, & infinitum esset singula commemorare, illud tamen quod huius loci proprium esse videtur non possum prætermittere, ut quoniam cum Christo iugum vos trahere profiteamini, eundem quotidie vobis proponatis ob oculos tanquam lateri vestro adhærentem, voce, oculis, animo, gestu ipso corporis clamantem *discite à me quia mitis sum & humilis corde.* Atque ut ab huius eiusdem exemplo non discedam, licet facta sit quodammodo species etiam *vultus* vestri, ut quondam Christi Domini, *altera, vestitus albus & refulgens*; quam habitu corporis non potestis semper præferre, animo tenete humilitatem, colite mansuetudinem, vsurpate mortificationem. Christus in illa ipsa Majestate libenter audiebat Moysen & Eliam dicentes excessum eius quem completurus erat in Hierusalem. Ipse cum priuatim ageret cum suis quam facilis, quam mitis, quam ab omni fastu & asperitate alienus! Huius Socios vos esse recolite: *discite à Christo, si necesse sit vobis aliquando ad speciem*

Luc. 9.

speciem extento collo & composito gradu incedere. (quod merito vitio  
vertitur nisi cum necesse est) non tamen alta sapere, sed humilibus consen-  
tire; Si ambulandum fortasse sit in magnis, non exaltare animam vestram,  
sed eum imitari qui exaltatus à terra omnia traxit ad seipsum; quam Exalta-  
tionem certe Iudæi ipsi interpretati sunt summam esse humiliationem. Hic  
hamus est Piscatoris elcâ coopertus; elca vermis est, vt cultus corporis; ha-  
mus mantuetudo & humilitas; quod mirum videri posset nisi Apostolus  
nos doceret hanc esse viam homines capiendi *Neminem lesimus, neminem*  
*corrupimus, neminem circumuenimus. Ecce seruus meus* (inquit Elaias de  
Christo loquens) *suscipiam eum, Electus meus, complacuit sibi in illo anima*  
*mea; dedi spiritum meum super eum, iudicium gentibus proferet.* Quis est iste  
spiritus tam potens, tam sæcundus? nisi is quem idem Elaias, & vnâ Mat-  
thæus pronunciant. *Non contendet, neque clamabit, neque audiet aliquis in*  
*plateis vocem eius; Arundinem quassatam non confringet, & linum sumi-*  
*gans non extinguet; non erit tristis, neque turbulentus; donec ponat in terra*  
*iudicium, & legem eius Insule expectabunt.* Pluribus consolationi  
meæ vobiscum, Patres dilectissimi, indulgentem dies deficeret: Cum eo-  
dem Christo humilitatis Magistro, vos alloquor, *Si hæc scitis, beati eritis si*  
*feceritis ea.*

1635.

2. Cor 9. 28

Ez. 41. 1.

Io. 13. 17.

Vnio cum  
Deo.

Conf. p.

10. 5. 2.

XXXII. Atque vt tandem ad finem vergat Epistola, & paucis  
omnia comprehendam, verba illa atque etiam sensum ipsum Sancti P. N.  
*Ignatii* in verbis latentem, omnibus alte insidere percipio, "Ad conserua-  
tionem & Incrementum non solum corporis, idest, eorum quæ externa  
sunt, sed etiam spiritus Societatis, atque ad assecutionem finis quem sibi pro-  
ponit auxiliij animarum ad vltimum & supernaturalem suum finem conse-  
quendum, media illa quæ cum Deo Instrumentum coniungunt, ac dispo-  
nunt vt à diuina manu gubernetur, efficaciora sunt, quàm quæ illud dispo-  
nunt erga homines; huiusmodi est probitas & virtus, & præcipuè Charitas  
& pura Intentio diuini seruitij, & familiaritas cum Deo in spiritualibus de-  
uotionis exercitijs, & zelus sincerus animarum ad gloriam eius qui eas crea-  
uit alio emolumento posthabito.) Itaque quamuis cum in Angliam accersimur  
videmur vocari ad Actionem, præcipua tamen huius Actionis pars est  
ipla Contemplatio, sine qua non perfunctoriè, non cursim tanquam ad alia  
properantes, sed sedulo peracta, frigeat omnis Actio necesse est & tan-  
quam à fonte præcisus riuus sensim are scat; quo fit vt multis annis ad speciè  
studiosè omnia agamus, nihil tamen in nobis ipsis vel in alijs magnopere  
perficiamus; vt non immerito Præpositi ac Rectores, statim initio regula-  
rum quæ ad ipsos pertinent, moneantur "Primam officij sui curam in eo po-  
sitam esse, vt Oratione & Sanctis desiderijs totam domum velut humeris  
suis sustineant, & quæcunque in ijs quibus prælunt optare debent, in seipsis  
præstare studeant.) Quæ vobis, Patres mei, eo maiori ratione dicta esse ex-  
istimare debetis, quo vestris humeris non ea sola domus in qua singuli ha-

Qqq 3

bitatis